

Yozefe abikisi bato

EBANDELI MOKAPO 41-50

**FARAO, MOKONZI YA EZIPITO ALOTAKI
NDOTO MOKO YA KOKAMWA.**

NSUKANSUKA, KAPITA YA BAPESI-MASANGA, OYO AZALAKI
NA BOLOKO ELONGO NA YOZEFE, AKANISAKI YE.

NANI AKOKI
KOLIMBWELA
NGAI NDOTO OYO
NALOTI?

NAYEBI MOBALI MOKO,
MOEBRE, OYO AKOKI
KOLIMBOLA BANDOTO.

NOKI! **BÓBIMISA** YE
NA BOLOKO
MPE BÓYA
NA YE AWA!

BAYEBISI NGAI ETE
OKOKI
KOLIMBOLA
NDOTO NA NGAI.

NGAI TE, KASI
NZAMBE NDE AKOYEBISA
MAKAMBO OYO
EKOKOMELA YO.
OLOTAKI NINI?

NAMONAKI **NGOMBE 7
EKONDAKONDA** EZALI KOLYA
NGOMBE 7 YA MINENE.
NAMONAKI MPE **MITÓ 7 YA
MBUMA** YA KOSALA FARINI
EKONDAKONDA EZALI KOMELA
MITÓ 7 YA MBUMA YA KOSALA
FARINI YA MALAMU.

NZAMBE YA SOLO AZALI KOYEBISA
YO ETE EKOZALA NA MBULA 7
YA **BILOKO BEBOO** NA MOKILI YA
EZIPITO: NSIMA NA YANGO
EKOZALA NA MBULA 7
YA NZALA MPE BILEI EKOZALA
MOKE MPENZA.

BÓSANGISA MPE **BÓBOMBA
BILOKO EBELE** SIKOYO
MPO BILEI EZANGA TE NA
ELEKO OYO BILOKO
EKOZALA TE.

FARAO ATYAKI YOZEFE MOTO
YA MIBALE OYO ALEKI
LOKUMU NA EZIPITO.



YOZEFE ASANGISAKI MPE
ABOMBAKI BILOKO YA KOLYA
MPO NA BAEZIPITO MPO
BÁKUFA NZALA TE NTANGO
BILOKO NA BANGO EKOSILA.



MOKOLO MOKO BAYAYA YA YOZEFE BAYAKI
KOLUKA BILOKO YA KOLYA MPO NA MABOTA
NA BANGO MPE MPO NA LEKI NA BANGO YA
NSUKA, BENYAMINA.



KASI BAYEBAKI YOZEFE TE.




BANDEKO NA NGAI
BAZALI KAKA MITEMA
MABE? . . .

NAMEKA BANGO
MPO NAYEBA SOKI
BABONGWANI.



SOKI MAKAMBO OYO
BOLOBI EZALI SOLO,
BONGO BOYA AWA NA LEKI
NA BINO YA NSUKA. MOKO
NA BINO AKOTIKALA AWA NA
BOLOKO TII BOKOYA.

NYONSO OYO EZALI
KOKÓMELA BISO MPO
TOSALAKI NDEKO NA
BISO YOZEFE MAKAMBO
YA MABE!



NA NSIMA, BANDEKO YA YOZEFE **BAYAKI LISUSU** NA EZIPITO ELONGO NA LEKI NA BANGO **BENYAMINA**.

YE NDE LEKI
NA BINO?

YOZEFE **AMEKAKI** LISUSU
BANDEKO NA YE.

TYÁ KOPO NA NGAI
YA PALATA NA SAKI
YA BENYAMINA . . .

NA MOKOLO OYO ELANDAKI, NTANGO
BANDEKO YA YOZEFE BAZALAKI **KOZONGA**
EPAI NA BANGO . . .

WAPI KOPO YA
NKOLO NA BISO?

KOPO
NINI?

KOPO
OYO.

NTANGO BAZONGAKI EPAI
YA YOZEFE . . .

KASI **YUDA** NDEKO MOKO YA
BENYAMINA ASENGAKI YOZEFE ETE . . .

LIKAMBO NINI
OSALI? MOYIBI!
BENYAMINA,
OKOKOMA
MOOMBO NA NGAI.

NABONDELI YO, KOMISÁ
NGAI MOOMBO NA ESIKA
YA BENYAMINA, MPE
NAKOSALELA YO.



SIKOYO, YOZEFE AMONAKI ETE BANDEKO NA YE **BABONGWANI**.



NGAI NAZALI
YOZEFE.

NZAMBE ATINDAKI NGAI
AWA MPO NA KOPESA
BINO BILEI MPE KOBATELA
BOMOI NA BINO.



NAKOKI
KONDIMA TE!

EZALI
SOLO
TE ...

KASI EZALI . . .
EZALI YOZEFE!



NSUKANSUKA, TATA YA YOZEFE, BANDEKO
NA YE, NÁ MABOTA NA BANGO **BAYAKI**
KOFANDA NA EZIPITO. YOZEFE AZALAKI
KOPESA BANGO **BILOKO EBELE** YA KOLYA.

MABOTA YANGO EFANDAKI NA
EZIPITO **BAMBULA KOLEKA 200**.

LISOLO YA YOZEFE NÁ BANDEKO NA YE ETEYI BISO NINI?

NTANGO YOZEFE AMONAKI ETE BANDEKO NA YE
BABONGWANI, NDENGE NINI **ASALELAKI** BANGO
MAKAMBO?

LISALISI: EBANDELI 50:19-21; 1 PETRO 3:8, 9.

NDENGE NINI YUDA AMONISAKI ETE **ALINGAKI**
NDEKO NA YE BENYAMINA?

LISALISI: EBANDELI 44:18, 33, 34.

SOKI MOTO MOKO ASALI YO MABE, **YO** OSENGELI
KOSALELA YE NINI?

LISALISI: 1 BATESALONIKI 5:15.